

ঢাকা আর ঢাকা নয়

অন্যায় বন্যায় নয়
আহাজারি মারীতেও নয়
গরীবের দীনতায় নয়
হাভাতের অশ্মেতে নয়
বারুদ আর বোমাতেই হয়
বেঁচে থেকে বড় আজ ভয়
ঘরে ঘরে আজ তাই ক্ষয়

ঢাকা আর ঢাকা নয় মাথা আর মগজের
অপচয়— — — — অপচয়

ঢাকা ঠিক ফাঁকা নয় ঢাকার আকাশ তবু
ফাঁকা কেন মনে হয় ঢাকা ঠিক বাঁকা নয়
ঢাকার ঠিকানা তবু বাঁকা কেন মনে হয়
মেঘে ঢাকা নয় তবু
মনে হয় মনে হয়
ভয়ে আর বোমাতেই
ঢাকা বুঝি ঢাকা হয়

ঢাকা আর ঢাকা নয় মাথা আর মগজের
পরাজয় — — — — পরাজয়

পেটে বোমা ভর্তি
ফুতপাতে ফুর্তি
পুলিশেরও হাটু কাঁপে
ঘামে বুট উত্তাপে
তবু কত হাকডাক
চোটপাট চিৎপাত
খুলি ফুটে খই হয়

ঢাকা আর ঢাকা নয় মাথা আর মগজের
ক্ষয় আর — — — — শুধু ক্ষয়

এলোমেলো মেলাতে ঢাক-ঢোল পেটাতে
মারে টান ফিউজেতে ফুটে বোম ফাটে বোম
স্প্রীন্টার ছুটে যায়
ভাই মরে বোন মরে মরে হায় বাপ-মায়

ঢাকা আর ঢাকা নয়
কাদা-জলে কংক্রিটে
বিস্মৃতি - অশ্রুতে
ভয়-ক্ষয় ঢেকে রেখে
ঢাকা একা জেগে রয়

এখন তোরা মর

দুই কন্যে দুই কন্যে একের পেটে দুই
দেশ পোড়ালি ঘর পোড়ালি কোন ঘরেতে শুই

দুই কন্যে দুই কন্যে একের পেটে তিন
দালাল-হালাল রাজনীতিতে দেখি তোদের চিন

দুই কন্যে দুই কন্যে একের পেটে চার
তন্ত্র-মন্ত্র গণতন্ত্র কুমন্ত্রনাই সার

দুই কন্যে দুই কন্যে একের পেটে পাঁচ
গদ্য পদ্য যতই কর অমিল ছন্দ আজ

দুই কন্যে দুই কন্যে একের পেটে ছয়
রাজাকারের ছোঁরায় কাটে অদ্য সমুদয়

দুই কন্যে দুই কন্যে একের পেটে সাত
রাজাকারের বোমায় আহা কেমন কুপোকাৎ

দুই কন্যে দুই কন্যে একের পেটে আট
রাজাকারে শিরা কাটে রক্তে ভরা মাঠ

দুই কন্যে দুই কন্যে একের পেটে নয়
নয়ন মেলে দেখরে খুঁজে প্রাণের বরাভয়

দুই কন্যে দুই কন্যে একের পেটে দশ
দশের ভোটে জয় করে দেশ
কেমনে একা হোস

দুই কন্যে দুই কন্যে বাংলাদেশে ঝড়
কপাল পোড়া দেশ পোড়ানি
এখন তোরা মর

আগষ্ট ২৪, ২০০৪

রাজনীতির মচ্ছব

| | |
|--------------|-------------|
| সাজাও আসর | মামার আসর |
| বাংলা আমার | আমার মামার |
| বাংলা এবার | মামার খাবার |
| মামার পাতের | মুরগীর রান |
| আমার খায়েশী | আতরদান |

নফর নফর

| | |
|---------------|--------------|
| এসেছে খবর | জবর খবর |
| ভাই ক্লাইভের | শয়তানি গুন |
| পলাশীর বনে | মদন মোহন |
| বাংগালীর খুনে | ধরিয়েছে ঘুন |
| ঝরে বাংলার | ঘুনে ধরা খুন |

নফর নফর

| | |
|-----------------|----------------|
| হাঁক দিয়ে ডাকে | দরাজ জবান |
| বন্দুকে আজ | বন্ধুকে ফোঁড়ে |
| আচ্ছা শান্তি | সাচ্ছা শান্তি |
| সাজা হুঁকা পান | আতর লোবান |

নফর নফর

এসেছে খবর
জবর খবর

বসে মসনদে মীর জাফর ॥

আগস্ট ২৪, ২০০৪

ওহাবী প্রেম !

আরবের থেকে এলো শা'জালাল মোকাম সুরমা সিলেটে
সূফী বাবা তার জালালী পায়রা পাঠালো দিকেতে দিকেতে
ভালবাসা-প্রেমে লুটালো মানুষ নাইকো তফাৎ মানুষে
সেই জালালের মোকামে এবার আসিলো আরেক আরবী
হিংসায় ঘেষে ভাসায়ে স্বদেশ এদেশেও এলো ওহাবী
মারে বোমা বাবা জলাল মোকামে
জুড়ি নাই তার আকামে কুকামে
খুন খারাবীতে দোষ নাই কোন আল্লাহ দিলে রাখিবি

জালালী বিধানে নাইকো হিংসা সমান মানুষ মানুষী
নছরা হিন্দু ওরাও মানুষ এস্সামে কভু দেখিনি
আমরা ওহাবী আমরা এসেছি আমরা বাচাব এস্সামে
আগে ভাগে তাই ভাগাড়ে ভাগাবো
জালালী প্রেমের ঈশ্বরে

আগষ্ট ২৫, ২০০৪

বেটেঁ থাকা

মরে মরে বেঁচে আছি
ডেঙ্গু ও কালাজ্বরে

মারি মশা মাছি
খেলি কানামাছি

এই তো রে ভাই
ম্যালারিয়া জ্বরে

লাঠি গুলি খাই
কুইনাইন নাই

রাজা আছে রানী আছে
মাঝে মাঝে এসে
বাত করে বড় বড়

রাজপুতও আছে
গলাখানা কেশে
দেশ ভালবেসে

আর তার মাঝে যদি
রাজা নাই রানী নাই
আমাদেরই ঝরা খুনে

বোমা এসে পড়ে
রাজপুতও নাই
রাজপথ ভরে

পুলিশেরা চুপচাপ
লাঠি হাতে চোটপাট
ঘাতকেরা হেসে উঠে
মনে মনে কেশে উঠে

আগষ্ট ২৬, ২০০৪

বাবরি মসজিদ

বাংলার ঘরে বদলা নেবার
ভাঙ্গ মন্দির ঘরের ঠাকুর

এবার হয়েছে সময় এবার
হিন্দু মেয়ের লুটাও সিঁদুর

দাঙ্গা লেগেছে ভাঙ্গা বাংলায়
কেঁদে কেঁদে মায়ে চক্ষু ফোলায়

আগষ্ট ২৬, ২০০৪

এসেছে হুজুর

তফসীর-বীর হুজুর আসিছে
নসরার দেশে শান্তি অপার

লয়ে শান্তির বানী
তফসীরে নাহি মানি

কেন যে হুজুর স্বদেশের ঘরে
ওখানে মানুষ মানুষেই কাটে

করেনা প্রচার এসলামে
খরগোস ভ্রমে উল্লাসে

খায়েসে হুজুর আসে পশ্চিমে
শুনাতেই হবে বোরখার বানী

মেয়েরা এখানে আবরনহীন
না হলে বাঁচে না শান্তির দীন

দেশেতে যদিও হাজার মায়ের
দেশেতে যদিও শূনি আহাজারি
দেশেতে যদিও রক্তের ধারা

জুটেনা কাপড় আর ঢাকার
নাকফুল ছিড়ে নষ্ট চামার
বোমা ফুঁটে আর খুলি ফুঁটে সারা

আসমানে কাঁদে রাতের তারারা
কাঁদিছে হুজুর হাসরের পারা
চোখে জ্বলে তার আখেরের রোশনাই
দিলে এসলাম জিহাদের আশনাই

আগষ্ট ২৭, ২০০৪

এনাকন্ডা

গন্ডা গন্ডা
ভন্ড নেতাও
চেপে ধরে ধড়
এনাকন্ডা

এনাকন্ডা
গন্ডা গন্ডা
রুদ্ধ শ্বাস
ফেলে নিশ্বাস

আগষ্ট ২৭, ২০০৪

পামর বানর

কেউ কেউ বলে
যদিও বড়াই
কেমনে রাখিবে
কবি নজরুলে
পামর বানর

বাংলায় চলে
বৈশাখ এলে
রমণার বটে
খাদি পাঞ্জাবি
পামর বানর

মুঘলেই দিলে
করে মুঘলের
বৈশাখ মাসে
খৎনা করিয়া
ধরমের তরে

বাংলায় ছলে
শাক ভাত খেলে
বাস্তালিনী জোটে
তরুন যুবক
আসিলো তখনি

বৈশাখী ঝড়ে
বুড়ো বট নড়ে
রমণায় ঝরে
বাস্তালী

বাংলা সনের পঞ্জী
তবু তারা ভাজে ফন্দি
হিন্দু ঘরেতে বন্দি
রসে বসে খায় সিদ্ধি
হারালো মগজ-বুদ্ধি

উর্দুতে গাঁথে ছন্দ
মনে লাগে তার সন্দ
লাল-হলুদের বরনি
ভরা ভরা চোখ অরনি
হাত ভরা বোমা অশনি

অমাদের রাজা

| | |
|-----------------|---------------|
| আমাদের রাজা | ব্যথাভরা মাজা |
| খায় মুড়ি ভাজা | কলিজার খাজা |
| খেয়ে মোটা হয় | হৃদ-রোগে ভয় |
| নাই কোন ভয় | ডাক্তারে কয় |

ধরে আন তারে
লাঠি-পেটা করে
করে দেব ট্রান্সপ্লান্ট
জলে যেন মানিপ্লান্ট

| | |
|----------------|--------------|
| রাজা আজ খুশি | কোমরেতে অসি |
| জোরে মারে ঘুঘি | চড় মারে কষি |

কুন্ডলী পেকে
একটুকু বেঁকে
প্রসাধন মেখে
রাজা বসে জেকে

আগস্ট ২৮, ২০০৪

হিলা

হিলা বিবাহের ভূয়া কারবারে
ছলছল জল চোখের পাথারে
সুরমা মাখিয়া টোপর মাথায়
তিনি চলিলেন ঘন তমসায়

কাপুরুষ ব্যাটা ভন্ড ইতর
চোখে মুখে মাখে খুশবু আতর

আগষ্ট ৩০, ২০০৪